



Kampverslag – Nieshoutkloof April 2015



Ons Paasnaweek kamp hierdie jaar was 'n splinternuwe ervaring. Dit was by Nieshoutkloof en die eerste keer dat 'n SAWA kamp daar gehou is. Oom Piet en Tannie Ria, die Labuschagnes en die Bothmas was eerste om te arriveer Donderdagmiddag. Die ander het kort op hul hakke gevolg. Die weer was lekker en nadat daar opgeslaan is het almal by Die Wortel begin te kuier. Dit is die braai area wat onderdak is met lekker baie houttafels. Dan besik Die Wortel ook oor 'n lekker leefarea met 'n grootskerm tv, dstv, lekker rusbanke, 'n yskas, vrieskas, ketel, urn, mikrogolfoond, toonbank met stoeltjies en nog vele meer. Daar is tot 'n krat propvol speletjies wat oud en jonk vir ure kan besig hou. Die badkamers is ook pragtig en baie prakties ingerig. Saans word die area gesluit en dan is daar 'n badkamer aan die agterkant van die gebou wat gebruik kan word.



Donderdagaand het Lizelle en Lee-Ann Bothma vir ons boekvat gehou en daarna is daar heerlik gebraai en gekuier.



Die res van die karavane het Vrydag deurgekom. Dit was 'n heerlike dag. Elkeen het maar sy eie ding gedoen. 'n Klomp van ons het die berg uitgeklim en dit was nie sonder ongevalle nie. Sommige mense het 'n suurlemoentjie in die kuit gekry en toe sommer net daarna plat op haar sitvlak beland. Die staptog was ook te lank vir die kinders en hulle moes toe eers gaan vir 'n bospiepie. Ander het weer met hul 4x4 voertuie die berg uitgery. Daar is ook heelwat wildelewe te sien soos bokke en zebras.



'n Groep van ons het Vrydag saam 'n heerlike lasagne pot by Die Wortel gemaak. Sandra Meyer was aan hoof van die projek. Boekevat is Vrydagaand behartig deur Gerhard Momberg. Hy en Steve het vir ons gesing terwyl hy met die kitaar begelei. Dit was 'n roerende diens wat grotendeels gegaan het oor 'n moslem wat 'n Christen geword het en hoe hy met 'n mes telkemale gesteek en vir dood afgergelaat is omdat hy geweiер het om sy christenskap prys te gee. Dit het die ons almal met die vraag afgergelaat oor wie van ons bereid is om te sterf vir ons christenskap. Zunel en Ettienne Fourie het vir die middag deurgekom en sy het vir ons 'n getuenis gelewer. Dit het ons net weereens laat besef hoe die bose prober om ons en ons kinders aan te val. Ons stry 'n daagliks stryd teen die bose! Na boekevat het ons heerlik aan die Lasagnepot gesmul terwyl ander gebraai of pot gemaak het. Weereens 'n lekker kuier aand. Ons het tot Die Bachelor op die grootskerm TV gekyk.



Saterdagoggend het tannie Marie Weitz vir ons boekevat gedoen en tien uur het die paashaas kom kuier. Meeste was bly om die paashaas te sien, maar daar was ook n paar wat so bietjie bang was. Die kinders het

lekker paaseiers gesoek waarna hulle elkeen 'n eier gekry het om te verf. Dit was natuurlik eetbare verf. Ettienne en Zunel het so lekker gekuier vrydagaand dat hulle Saterdag met hul karavaan deurgekom het.



Saterdagmiddag het ons lekker mosselpot en afvalpot by Die Wortel gemaak. Daar is lekker speletjies gespeel en kududrol gespoeg. Daar is natuurlik ook rugby gekyk. Van die verf wat oor was van die eier verf is vir "face painting" gebruik. Ons het ook 'n heerlike punch propvol vrugte gemaak. Saterdagaand het ons weer gebraai en heerlik gekuier.



Saterdagnag het die poorte oopgemaak en het die reën begin te val. Dit het omtrent gesous. Die krag het ook vroegoggend afgegaan. Boekvat is uitgestel na die aand aangesien almal met halwe kapsels rondgeloop het weens die krag wat af was. Zeldri het lekker broodjies gemaak en almal het maar 'n lui dag gehad. Meeste

mense het verlore slaap ingehaal. Die krag het so net voor drie Sondagmiddag aangekom. Tannie Jakkie het boekvat Sondagaand gedoen en ons so 'n bietjie dinkstof rondom 'n paaseier gegee. Hierna is daar weereens geëet. Ons het lekker steak gebraai met slaaie, barbeque aartappels en heerlike mushroomsous. Van die resepte sal definitief in die volgende Wapad verskyn. Ons het lekker die agt uur flik gekyk onder komberse en natuurlik popcorn.



Maandagoggend was dit nog maar nat maar die reën het darem opgehou. Tannie Poppie het vir ons boekvat gehou. Soommige lede het nog lekker ontyt gemaak om al die naweek se "leftovers" klaar te maak. Die ander het maar stadig begin om op te pak en te gaan kyk watter skade die reën moontlik by die huis aangerig het.

Dit was 'n heerlike naweek in die natuur en die van julle wat nog nie by hierdie kampterrein was nie moet dit gerus prober. Dankie aan ieder en elk wat deel was van hierdie wonderlike naweek.

Veilig sleep tot volgende keer.

Groete

Richard en Liana